

Sakspapir

Sakshandsamar	Arkiv	ArkivsakID
Svein Helge Hofslundsengen	FA-S09	19/430

Saknr	Utval	Type	Dato
016/2023	Formannskapet	PS	02.02.2023
004/2023	Kommunestyret	PS	16.02.2023

Kraftmelding pr. 31.12.22

Vedlegg:

Journalposttittel

Kraftmelding pr 31 12 2022

Dato

30.01.2023

Rådmannen sitt framlegg til vedtak:

Kraftmeldinga pr. 31.12.22 vert teken til vitring.

Saksopplysningar:

Bakgrunn

Kommunestyret den 13.12.2016 samla seg om at førebels utgåve av Kraftmeldinga var noko ein kunne bygge vidare på. Dei var og samde i at Kraftmeldinga vart lagt fram 2 gonger i året; pr. utgangen av juni og desember.

Fakta

Viser til sjølve kraftmeldinga som følgjer som vedlegg.

Vurdering

2021 hadde kommunen samla kraftinntekter med knappe 53 mill.kr., medan kraftinntektene utgjorde litt over 71,5 mill.kr i 2022, som inneber ein auke på 35%.

Konklusjon

Kraftmelding pr. 31.desember 2022 skal gje ei relevant statusvurdering kring nokre sentrale forhold kring kraftinntektene – og tilrår at meldinga vert teken til vitring.

Formannskapet - 016/2023

FS - behandling:

Saka vart drøfta.

Framlegg til vedtak vart samrøystes tilrådd til kommunestyret.

FS - vedtak:

Kraftmeldinga pr. 31.12.22 vert teken til vitring.

Kommunestyret - 004/2023

KS - behandling:

Saka vart drøfta.

Rådmannen sa at det har kome nye opplysningar sida saka var skrive og oppsummerte dette slik:

- Trekk Masfjorden kommune ned frå 47,5 mill.kr. til 15,3 mill.kr (basert på spotpris fram til 8.2.23, og terminprisar for resten av året, og forenkla utrekning) – men her kan komme endring og skulle ønskt at komm.dept hadde vore meir konkret i sine tilbakemeldingar
- Ingen konkretisering i skriv til kommunane, og framleis at ein skal komme attende til dette i revidert nasjonalbudsjett i mai
- Ingen endringar i høve trekk i rammetilskot – 5 mill.kr ut pr. mnd
- Etter modell jf. pressekonferanse 28.9.22 skulle trekket/superprofitten til Masfjorden ha vore nede i 5 mill.kr. – slik at regjeringa følgjer framleis ikkje egne lovnader
- Superprofittgrunnlaget vekke, kraftpris kraftig redusert – trekkgrunnlaget burde og vere vekke, slik at trekk i rammetilskot grunna konsesjonskrafta 2023 **burde nullstillast**
- Staten tar inn enorme utbytte langt utover budsjettføresetnadene i statsbudsjettet for 2023, slik at dette trekket frå kommunane har liten reell betydning for statsbudsjettet
- Fylka får vesentleg mindre trekk enn det dei hadde budsjetttert – for eksempel Vestland fylkeskommune budsjetttert med trekk på 300 mill.kr., enda med trekk på 187 mill.kr. (sjå vedlegg)
- Skeivheiter framleis uendra
- Kommunar med dokumenterte inntekter på over 200 mill.kr. får trekk på 0, medan Masfjorden og dei som reelt ligg i spot får trekk større enn forventa inntekt
- Enkelt å endre trekkgrunnlaget, statsforvaltar kunne enkelt henta inn budsjettføresetnader frå kommunane – og brukt kommunane sine egne budsjett som trekkgrunnlag, enda betre hadde det vore å tatt rekneskapstal 2023 som grunnlag for faktisk trekk, og eit 3.alternativ (og slik som dept. la til grunn opphavleg – trekk ut i frå rettar til konsesjonskraft) – alle desse 3 løysingane er lagt betre og meir rettferdig enn det som vart resultatet den 22.12.22.

Verdien av konsesjonskraftrettane; omtalt i NOU 2022:10, side 27, under kap.3., «*Tall fra KOSTRA viser at netto inntekt fra konsesjonskraft, kraftrettigheter og annen kraft for videresalg utgjorde nær 1,6 mrd. kr i 2019, 1,3 mrd. kr i 2020 og 1,9 mrd. kroner i 2021. Dette omfatter da kun verdien av konsesjonskraften som har blitt solgt videre, og ikke kraft som for eksempel har gått til kommunens eget forbruk*». Og stort avvik i høve Regjeringa 28.9.22, og uttale m.a. Heidi Greni, som er kommunalpolitisk talsperson for Senterpartiet sier vi står i en ekstraordinær

situasjon der inntektene til kraftkommunene øker fra fire milliarder i fjor (2021), til 13 milliarder i år (2022) og 11 milliarder neste år (2023).
Framlegg til vedtak frå formannskapet vart samrøystes vedteke.

KS - vedtak:

Kraftmeldinga pr. 31.12.22 vert teken til vitring.